

孚

惠

全

書

平惠全書卷十三

偏隅蠲緩二

乾隆四年正月二十日奉

上諭上年十一月寧夏地動民人被災甚重朕聞
奉即遣大臣星馳前往會同督撫將軍等加意賑
卹並籌畫撫綏安輯之計日來伊等陸續奏到正
在多方經理以濟災黎朕思民人等困苦播遷之
後縱能勉力耕耘豈能復輸租稅著將寧夏寧朔
平羅新渠宥豐五縣本年應徵地丁及糧米草束
雜稅等項悉行豁免如有舊欠亦著蠲除倘附近
州縣有被災之處應加恩免賦者著欽差及督撫
等查明奏聞請旨

三月二十日奉

上諭直隸地方上年收成歉薄朕多方籌畫蠲賑
頒施務使黎庶得以安全不致一夫失所今幸雨
澤霑濡麥秋可望朕心稍為慰藉惟是畿輔一帶
連年薄收百姓元氣一時難復其上年勸不成災
之地方與未被水之州縣雖年投尚有收成而與
成災之處壤地相連轉移接濟物產豈能充裕此
等地方均有緩徵未完之項今當輸納錢糧之期
若將新舊同時並徵民力未免竭蹶為此特頒諭
旨著將從前部議成災五分六分二年帶徵之處
及勸不成災地方緩徵之項俱分作三年帶徵其
未被水州縣經徵未完之項分作二年帶徵庶閭

聞得減輸將之數力量自覺寬舒該部可即行之
該督孫嘉淦遵朕諭旨確查分晰辦理

二十二日奉

上諭朕念切民生時厯宵旰或各省督撫陸見或
遇司道各員請訓務以編氓疾苦備悉諮詢惟期
海隅蒼生培固元氣庶幾家給人足之風比年以
來畿輔地方屢遇歉收而江南舊年被旱尤甚此
皆朕之不德以致

上蒼示警遂使我民有乏食之虞朕甚憫焉今年
幸賴

上蒼恩佑各省春雨頗周足資耕種重念三省之
民幸有以安其心尚未能復其舊其被災處所既

已蠲賑類施屢頒諭旨茲當開徵之期在被災者
固屬艱難而未被災之地同在一省雖有輕重之
分而之食受困則一用是特頒諭旨將直隸總督
所屬今年地丁錢糧蠲免九十萬兩蘇州巡撫所
屬今年地丁錢糧蠲免一百萬兩安徽巡撫所屬
今年地丁錢糧蠲免六十萬兩該督撫將朕旨家
喻戶曉俾閭閻均受膏惠庶幾和氣致祥以仰答
上天之恩而培民生之本倘有貪官污吏借端苛
索或私行徵收者該督撫不時查叅該部即遵諭
行

四月初四日奉

上諭據浙閩總督部玉麟浙江巡撫盧焯奏稱浙

省温州府屬之永嘉樂清瑞安平陽四縣暨温州
衛台州府屬之臨海黃巖二縣暨台州衛於乾隆
二年曾被水災已荷恩施多方賑卹閭閻均富實
惠惟是勸不成災之處有錢糧之錢糧扣至三年
歲底尚未完納者永嘉則有銀八百九十八兩米
一千石瑞安則有銀一千三百三十七兩米四百
八十石平陽則有銀九百九十九兩米九百二十
六石黃巖則有銀五百七十七兩米二百七十九
石以上共銀三千八百一十一兩共米二千六百
八十五石茲當開徵之期例應帶徵完項查各該
縣三年分未完錢糧尚多又有四年分應徵新糧
若將二年分未完之銀米一并催令全完小民未

免艱難可否寬至四五兩年分年帶徵謹此請旨
等語著照該督撫郭玉麟盧焯所請將此四縣二
年未完之銀米寬至四五兩年分年帶徵以紓民
力該部即遵諭行

五月二十日奉

上諭前朕特降諭旨蠲免直隸本年錢糧九十萬
兩江蘇一百萬兩安徽六十萬兩隨據孫嘉淦具
摺請將直隸耗羨一并蠲除朕降旨允行復經陳
世倌復照直隸之例請免江南耗羨朕較交廷議
旋據議稱此次蠲免乃係特恩非被災可比例不
准免耗羨且江南耗羨節年不敷今若再行蠲免
則地方應用公費益致缺乏應毋庸議朕降旨依

議今據那蘇圖等奏稱此次蠲免仍因上年地方被災而施恩澤應請一體蠲除耗羨以廣

皇仁等語從前陳世倌具奏時朕以伊等在京師南北隔越所奏不過遠度之辭廷議既引定例覆奏遂降依議之旨今那蘇圖身在地方目覩地方情形亦復如是陳請諒非市美選名之舉且朕愛養黎元輸將多減一分閭閻即多受一分之益著將江蘇安徽二省所銷正賦之耗羨一體免徵以示格外加恩之意又據直隸布政使范燧奏稱直隸公用不敷查河南耗羨現餘銀四十餘萬兩若動撥十萬兩以協濟直隸則裒多益寡於公事有裨等語此奏現交部議朕思江南蠲免耗羨之後

若官員等養廉不足則河南多餘之銀亦可通融
撥補想之天下百姓之物力仍還之天下百姓一
時權宜行之不必過存吟域之見其應撥補若干
之處著該部定議具奏

七月初六日奉

上諭據鄂彌達元辰成奏稱甘省五月以來連得
大雨間有山水衝壓及雨中帶雹之處如秦州屬
之秦安縣涼州府屬之平番縣有被水淹沒之村
莊又西寧渭源河州三州縣有被雹災之村莊又
階州寧遠秦州隴西伏羌會寧皋蘭等處亦被雹
傷約二三分不等又武威古浪永昌等處有水衝
淤壓之田畝現在分別撫卹俟驗動是否成災再

行題報等語朕念該省災傷之餘即使年穀順成尚恐地方未有起色今復有此被水被雹之事朕心竊切惶悚著該督撫董率有司加意料理毋使一夫失所雖據該督撫奏稱此數州縣中被災者不過村莊幾處即一村之內亦輕重不等但一州縣中既有被災之所則通州縣內料必不能十分豐收米糧未必寬裕必須格外加恩閭閻始能樂業著將凡被水雹之州縣不論成災不成災所有乾隆四年應徵地丁錢糧悉行寬免以示優恤甘民之至意

初十日奉

上諭上年江南地方被旱歉收朕於蠲免地丁銀

兩外並將例不蠲免之糧米亦按被災分數蠲除其仍有應徵之漕項又令緩至今年麥熟後改徵折色無非為休養斯民計也今二麥已收所有災緩折漕之項正屬催徵之候朕思淮安揚州徐州海州四屬上年被災獨重本年三四月間雨水又稀麥收未見豐稔目前青黃不接之時若糶麥以完漕項民力未免拮据著將淮揚徐海四屬緩徵折漕米五萬四千餘石再緩數月俟本年秋成之後照數徵收以紓民力該部即行文江南督撫知之

八月十七日奉

上諭河南被水數州朕已降旨多方賑卹因念該

省河工埽料林樁一項皆採買於沿河州縣今歲
既罹水災價直必至昂貴查舊例每草十束為一
束官價九釐倘此價不敷採辦勢將派累里民若
每束增銀五釐共成一分四釐之數河官照例購
買不許絲毫扣剝累及閭閻此因歲數加恩後不
為例

九月初二日本

上諭江南淮安揚州海州等屬上年被災獨重今
年又復被水歉收朕已諭令該督撫加意撫恤所
有應從錢糧該督撫自分別蠲緩具奏請旨但聞
海州贛榆二州縣本地素不產木漕糧俱採辦於
隣郡今年二州縣被水稍廣民力未免艱難其成

災地故應從漕糧聽該督撫查勘照例題請蠲緩
外至被水而勸不成災之處民力亦覺艱難著將
本年應納之漕糧並上年緩從之漕糧俱准其折
色每石一石折銀一兩按數交官起解免其購運
以紓民力該部可即行文江蘇督撫知之

十九日奉

上諭江南地方連年水旱今歲情形雖較勝於去
年而下江之淮安徐州海州等屬上江之鳳陽穎
州泗州等屬仍因雨水過多均有積潦為災之處
朕心深為軫念除地丁錢糧聽該督撫確查分數
請旨蠲免外雖漕糧一項向來例不並蠲然地方
疊值歉收此時輸納官糧民力甚為竭蹶著將被

水成災之州縣本年應納漕糧及從前緩徵折漕之米均緩至明年帶徵其被水州縣內不成災之區圍應徵本年地丁錢糧緩至明年春熟後完納該部可即行文江南督撫知之

二十六日奉

上諭甘省之秦安等十五州縣俱有被水被雹之處朕已格外加恩將該州縣本年應徵地丁錢糧降旨寬免但該省州縣從前多係衛所其額徵之項本色多而折色少亦有全徵本色者朕從前因甘省州縣屯地皆徵本色而無折色每遇蠲免之年不得一體霽恩曾降旨准免三分之一此次秦安等十五州縣應徵糧草亦著照屯戶之例蠲免

三分之一以示朕優恤邊民之至意該督撫即遵諭行

二十六日奉

上諭據鄂彌達元辰奏稱西寧府屬之碾伯縣
寧夏府屬之靈州中衛縣俱積有被水被雹之處
又碾伯平番西寧三縣乾隆三年分額徵並節年
一切借項前經奏明緩至本年催徵今查各該縣
夏收除被災處所其餘俱有七八分收成但上年
已經被雹被災收成僅在五分以上平番現在保
買供支駐莊滿兵糧草西碾二邑亦因倉儲缺少
正項採買積貯今積年應完各項為數繁多若一
時并徵民力不無竭蹶請將三縣今年所借籽種

口糧於秋收後照數徵收其舊欠分年帶徵等語
朕因秦安等十五州縣俱有水雹偏災業經降旨
特加優恤將本年應徵銀兩草束分別蠲免今碾
伯靈州中衛亦有被災之處而碾伯上年已屬數
收靈州中衛又當寧夏災傷之後著將此三州縣
應徵銀糧草束與秦安等州縣一體加恩分別寬
免其碾伯平番西寧三縣所有三年分額徵并即
年借項著於庚申年起分作三年帶徵以紓民力

十月初七日奉

上諭朕因上年江蘇被旱歉收將乾隆二年江甯
鎮淮揚徐海七府州屬被水題明緩徵停徵銀米
等項降旨豁免今年淮揚徐海等屬又復被水歉

此已諭令督撫加意撫恤將所有應徵錢糧分別蠲緩具奏近聞海州安東蕭陽四州縣連年被水在淮徐等府內又屬被災獨重之區朕心深為矜念著將此四州縣所有雍正十三年乾隆元年未完地漕等項悉行豁免以昭軫恤災黎適格加恩至意

十二日奉

上諭前因江南海州贛榆二州縣素不產米其應納漕糧俱採辦於隣郡今年二州縣被水稍廣民力未免艱難除被災地畝聽該督撫照例辦理外至被水而勛不成災之處著將本年應納之漕糧并上年緩徵之漕糧俱准折色免其購運以紓民

力已降諭者矣今聞發輸一邑地瘠民貧又值連
年被災歉收即本年熟田所產之米亦不足以供
本地小民之食所當酌量變通辦理者若將籍邑
未被水之熟田應徵漕糧照本地交納粟米例一
并改徵折色俾多留米穀於瘠邑庶民食不致匱
乏該部可即行文江南督撫知之

十七日奉

上諭凡河工需用草束俱採辦於本省州縣今年
豫省遭被水災草束之價較昔加昂朕已降旨每
草十觔向來官價九釐者著加銀五釐共成一分
四釐之數今思山東與豫省河道毗連壤地相接
今年夏月雨水亦多秫稻等物之價非平時可比

亦著照豫省之例每草十觔一束增銀五錢俾保買從容官民不致賠累此因年數加恩後不為例

十一月二十九日奉

上諭寧夏供支滿兵糧草向係每年採買散給共計白木一千五百餘石粟米七千餘石草一十三萬餘束其所定部價白木粟米每石價銀一兩草一束價銀八分今聞該地方自上年被災之後新甯二縣田地被水淹浸不能耕種已少在木糧數十萬石目下糧草之價日覺昂貴所定官價不敷採辦勢必貽累小民著將乾隆五年應支滿兵糧草白木每石加銀一兩粟米每石加銀五錢每草一束加銀一分如此則價直增添官民易於辦理

但係格外之恩後不為例該部可即行文該督撫知之

二十九日奉

上諭上年寧夏地震之後朕日夕憂思多方籌畫一年以來陸續經理地方漸有起色朕心稍慰嗣後加意休養方能培復元氣著將寧夏寧朔平羅三縣額徵銀糧草束再寬免一年以滋生息以裕蓄藏著該部即遵諭行

乾隆五年三月十八日奉

上諭浙江湖州府屬之歸安烏程二縣於乾隆三年曾被雹災朕已加恩分別蠲免帶徵改折以示優卹惟有漕糧井改徵正耗灰石行月食米共七

千九百三十石五升零漕項截等銀四千一百八十九兩六錢零定例不在蠲免之內朕思乾隆三年歸安烏程二縣被災頗重收成較薄四年雖稱豐稔而民間元氣一時未復今以一歲所入既完本年額賦又完緩徵帶徵各項民力未免艱難著將此二縣乾隆三年分被蠲田畝之漕項銀米分作五六七三年帶徵俾閭閻力量寬舒從容完納該部可卽傳諭該督撫知之

四月十四日奉

上諭乾隆二年秋間福建所屬閩縣侯官等二十一廳縣偶被偏災除加恩賑恤外曾借給百姓穀二萬六千二百餘石年米陸續交官尚未完設九

千餘石該地方現在催追服思以三年前未清之項責令於一年完納小民未免艱難若將此項借穀分年帶徵於本年秋收後運倉一半其餘一半俟辛酉年秋收後催補通完該部可即行文該督撫知之

十九日奉

上諭上年豫省所屬地方雨水過多泛溢為患其被水成災之祥符等州縣及被水未成災之淇縣等州縣原有乾隆元二三四等年民欠未完常平社倉等穀三十一萬七千餘石又加乾隆四年種麥時借給農民籽種銀一萬二千三百餘兩又借給易麥播種常平社穀二萬七千四百餘石均應

於本年春熟時徵收運項朕思該省上年秋收數
薄當此春熟之際既應納上年緩徵帶徵之賦迨
及秋成又應輸本年應納之糧若再令其交運屢
年積欠並新舊兩年借穀民力未免艱難用是特
頒諭旨除未被水之州縣照舊徵收外凡上年被
水地方今歲春熟後祇令完納本年正賦及緩徵
帶徵之數並所借籽種銀穀其餘積年舊欠借穀
無論常平義倉社倉統令分作三年帶徵俾從容
完納民力寬舒不致竭蹶該部即遵諭旨行

九月初九日奉

上諭上年山東有被水歉收之州縣朕屢降諭旨
令地方官加意撫綏幸今歲雨暘應時收成豐稔

惟是荒歉之後元氣未復其被水較重之東平東阿嘉祥汶上等張濟寧金鄉荷澤單縣曹縣濮州范縣館陶等十三州縣有帶徵之漕項等米三萬三千三百餘石改徵之黑豆二萬二千四百餘石俱應於今年徵收還項者朕嘉惠小民若將此二項米五分作庚申辛酉兩年隨同各現年應完之項帶徵全完則民力寬舒不致竭蹶該部即遵諭行

十七日奉

上諭乾隆四年山東所屬鄆平等三十九州縣秋禾被水所有應完漕米經撫臣奏准動撥臨德二倉原存漕糧按一木二穀碾米隨漕運通其應徵

漕米緩至乾隆五年秋後改徵穀石還倉今屆徵
收還項之期每米一石即應交正耗之穀二石三
斗是小民從前受緩徵之益而今則不免有多輸
之累重運之難所當加以體恤者著照久漕之例
仍按原數徵收米石暫存臨德二倉於來歲青黃
不接之時出糶存價俟秋成再行買穀還項於小
民箚有裨蓋該部即遵諭行

二十一日奉

上諭江南徐州府海州所屬州縣地濱河海頻遭
水旱數年以來屢加賑恤復將正項地丁漕糧分
別緩徵蠲免以極災黎今屆秋成之後所有乾隆
三年四年分緩徵折徵之米例應同五年分漕糧

一并輸納但聞今年黃運兩河秋汛長登又值七月多雨以致沿河各處低窪地故多有被淹者雖係偏災輕重不等惟是災後之餘民氣未復若將新舊三年漕米一時並徵民力未免拮据且一邑之內偏隅偶有被災則通邑之米糧亦必騷費惟使民間多留數萬石米穀以本地之蓋藏充本地之民食於閭閻庶有裨益用是特降諭旨將徐州府屬之銅山沛縣蕭縣碭山豐縣邳州并海州及所屬之贛榆縣帶徵乾隆三年四年分漕糧共五萬一千三百八十石零今年仍緩輸將俟辛酉年起分作五年帶徵以紓民力著傳諭該督撫嚴飭所屬實力奉行並不時查察如有私徵等弊即行

嚴參母得誅忽

二十七日奉

上諭江南徐州府海州所屬州縣地濱河海年來頻遭水旱幸今歲收成豐稔而所屬州縣內又間有蟲災獨傷粟米一種現在徵收漕米之期所有應納粟米之戶若仍徵收本色則購買米免艱難者將應徵粟米之數照部定價直准交折色俾小民易於輸將無責償買米之苦著該部即行文江南督撫遵旨辦理

十月初一日奉

上諭天津地勢低窪年來屢被水災今歲雖有七八分收成而民力尚未充裕所有乾隆三年四年

錢徵之錢糧若照前議徵收仍不免拮据用是待
頒諭旨著將天津所屬州縣帶徵之項自本年為
始分作五年徵收以紓民力

初六日奉

上諭前因江南徐州府屬之銅沛等州縣及海州
贛榆縣本年七月內偶被水災閭閻拮据所有乾
隆三年四年分帶徵漕糧待頒諭旨今年仍緩輸
將俟辛酉年起分作五年帶徵以紓民力迨又聞
海州所屬之沐陽縣今歲雖有七分收成而三四
兩年緩徵之漕糧與現年應徵之項俱令交納以
一歲之所入完三年之額賦其勢亦屬難支用是
再降諭旨除乾隆三年分折徵正耗米六千四百

石有零仍隨本年漕米一并徵解其四年分正耗米一萬一千三百石有零著於辛酉壬戌兩年分徵帶運庶小民得以從容完納不致苦累可傳諭該督撫即轉飭遵行

十七日奉

上諭從前寧夏地動為災民人困苦百計籌畫加意撫綏始不至於失所惟是瘡痍甫起戶鮮蓋藏本年平羅地方又有被水被旱之處若照分數成例蠲免錢糧民力仍不免於拮据著格外加恩將辛酉年銀糧草束概予全免至未被災之村莊及夏朔二縣從前被災較重雖兩年以來均屬有收而工役繁興人人雲集米糧物價較平時減亦應

酌量加恩與民休息若將夏胡二縣及平羅未被
災村莊辛酉年額徵銀糧草米寬免一半戶部可
即行文該督撫遵旨辦理

十一月十五日奉

上諭甘肅提鎮各營歲需糧料例係本折兼支於
額徵糧內估撥如遇歉收緩徵之年本色不敷則
將應估本色之糧料亦行的估折色朕聞乾隆三
年分原估涼州鎮標本色糧料共三萬九千九百
餘石係乾隆二年豫為估撥嗣因乾隆三年涼屬
收成歉薄例應緩徵原估前項額糧除將現有之
糧供支外尚不敷本色糧一萬二百餘石照例改
估折色每石按部價估銀一兩緣兵糧例係季首

間支於未經改定之時已值應支秋季兵糧之候
兵食嗷嗷遂借採買積貯糧三千六百餘石暫資
五營兵丁之急需至估撥乾隆四五兩年分兵糧
又因涼屬連經數歲民之難徵每年本色糧俱僅
數一月有餘而今年涼屬又遇偏災現在豫估年
酉年本色亦止數兩月之糧是窮兵餬口尚且不
足難以再行扣還借項是以三年分所借積貯糧
石至今尚未還倉其改估之折色銀兩現存司庫
查積貯糧石向無供支兵食之例而涼屬連歲數
收糧價昂貴若令將扣存折改之項買糧還倉則
市價較之部價相懸過半朕深念邊塞兵丁度日
艱難准將此項糧石作正報銷免其扣還本色存

庫銀兩留作折色之用以示朕嘉惠邊兵之至意
乾隆六年二月初一日奉

上諭昨因永定河放水經理未善以致固安良鄉
涿州新城雄縣霸州各境內村莊地畝多有被淹
之處難以耕種且居民遷移不無困乏朕與孫嘉
淦不能辭其責也用是藉寐難安深為軫念著大
學士鄂爾泰尚書納親會同總督孫嘉淦詳悉查
明被水處所應免錢糧若干速行奏請豁免先將
此旨曉諭百姓知之

十四日奉

上諭打箭鑪遠西瞻對瓦達各部落番夷例應每
年納貢馬狐皮折價銀八十九兩五錢今朕聞得

彼地年來積雪嚴寒牛羊受凍多有傷損者夫困
苦納貢艱難者將乾隆五年六年應納折價銀兩
豁免以示矜恤著該部即行文四川巡撫出示曉
諭番夷知之

十月十七日奉

上諭今年上江鳳陽等十六州縣夏秋被水有傷
禾稼且彼地土瘠民貧連年被潦朕心深為軫念
著將勘辦成災地畝應徵漕米漕項照分年帶徵
之例緩至來歲分兩年帶徵其勘未成災之地畝
亦被災雨淹浸顆粒無收難以交倉准照收銀之
例每石折銀一兩完納至宿州靈璧虹縣三州縣
被災更重且屢年歉收民情艱窘尤當格外體恤

毋使輸將竭蹶若將成災地畝應完漕米漕項各照成災分數與地丁一體豁免其勘不成災之地畝所有應完漕米漕項亦准緩至來年帶徵並將此三州縣及宿州衛勘不成災之地丁亦准緩至來年參收後聞微仲聞閭無追呼之擾官吏無催科之勞得以專心於撫恤該部可即傳諭該督撫遵行

十一月二十一日奉

上諭今年江南下江地方秋間雨水連綿其收穫之穀石顆粒米色自不免稍減除已降旨截留本省漕糧外所有應交官之米不必照往年較論從前原有紅白兼收之例該地方官酌量可收即日

收兌至於抵通之後或慮此等米石不能久貯即
先發為俸餉之用可速傳諭該督撫及漕運倉場
總督知之

字惠全書卷十三

平惠全書卷十四

偏隅編後三

乾隆七年正月二十四日奉

上諭甘肅地處邊徼土瘠民窮朕所加意撫恤頃聞涼州府屬之武威平番永昌古浪四縣頻歲歉收上年又被旱災民情甚苦積欠頗多查自雍正十三年至乾隆四年武威縣未完額糧八萬一百餘石草六十四萬二千餘束平番縣未完額糧一萬三千八百餘石草一十九萬二千餘束永昌縣未完額糧一萬五千二百餘石草二十萬四千餘束古浪縣未完額糧四千三百餘石草九萬三百餘束又西寧府屬之西寧縣自雍正十三年至乾

隆三年未完額糧二萬八千九百餘石草二十九萬八千餘束碾伯縣未完額糧一萬一千一百餘石草一十三萬七千餘束以上六縣皆西陲寒苦之地雖上年尚屬有收然積歉之餘元氣未復若將新舊額糧草束於一歲之內合并徵收民力實為艱窘若將舊欠之項分作三年帶徵俾閭閻易於輸將昭服加惠邊氓之至意

二月二十四日奉

上諭上年浙江杭州二府屬之仁錢等九州縣田禾被水民力拮据其成災田畝所有應徵漕糧朕已降旨按分蠲免其蠲剩並數收田畝應完米石即議令於今年照數徵收起運計此時正民間應

行完納之期矣朕思田畝既屬歉收所獲自然不足自上秋以至今春為時已久即有餘粒業已日食無存若令按期完納勢必買米交倉輸將竭蹶查漕糧早已開兌北上此米尚可緩期著將歉收田畝應徵漕糧并改漕米石緩至今冬徵收起運俾閭閻從容輸納以紓民力該部即行文該督撫知之

四月十八日奉

上諭朕念甘省地瘠民貧前特降旨將民欠借糧自雍正六年至十三年者一槩蠲免其乾隆元年以後借欠之項從壬戌年為始分作六年帶徵至最苦寒之武威平番永昌古浪西寧碾伯等六縣

則將帶徵之項一并豁免今思民欠借糧內從前有因倉糧缺少以銀一兩作糧一石借為籽種口糧之需者計自雍正十年至乾隆六年如武威平番永昌古浪西寧碾伯等六縣欠銀八萬八百七十三兩有奇又蘭鞏平慶寧夏五府屬之金縣河州靖遠隴西會寧通渭鹽茶廳平涼崇信靜寧固原涇州華亭合水平羅花馬池等處欠銀四萬六千五百四十二兩有奇此項借銀原係以銀作糧即與借糧無異其自雍正十三年以前者既已加恩蠲免其在乾隆元年以後者又分作六年帶徵至武威等六縣又復全予蠲豁此等抵借之銀事同一例著照乾隆元年以後借欠糧石之例從乾

隆七年為始分作六年帶徵俾民力愈得寬舒爰
國家休養之澤著該部即傳諭該督撫知之

五月初一日奉

上諭今年春夏以來畿輔地方除宣化大名二府
及古北口外熱河一帶雨澤需足二麥可望豐收
至順天保定永平正定河間天津順德廣平等府
屬暨易州冀州趙州深州定州等州屬雨水均未
需足普遍麥收分數勢必減少此時農事正忙又
值青黃不接之際若仍照例催科恐有妨於力作
著將各府州屬新舊應完錢糧一槩暫停徵比俟
秋成之後再行徵收該部可即行文直隸總督通
行曉諭知之

十一日奉

上諭江安二省之鳳翔淮徐各屬連年被荒閭閻
積困朕心軫念頻加賑恤又特遣大臣前往察看
於常例之外大沛恩膏不使一夫失所至於應徵
錢糧有已經蠲免者亦有例應帶徵者朕思災後
之後即偶遇有年一時難以驟致豐裕若令完納
現年應輸之正供又加以遞年帶徵之積欠小民
未免拮据著將江省之清河桃源安東銅山沛縣
宿遷蕭縣邳州睢寧徐州海州沐陽安省之宿
州靈璧虹縣臨淮懷遠泗州五河十九州縣衛被
災各戶所有乾隆五年以前未完帶徵銀兩通行
停徵俟各處年歲累豐民間元氣漸復之後該督

再行的量定限分年帶徵具奏請旨俾民力寬舒
漸登康阜以慰朕勤恤災黎之至意至各州縣內
有未經被災各戶仍照常例辦理該部即行文該
督撫知之

御製江南淮徐等處連年被災既蠲祖賜復旋命
大臣前往加賑今聞奏秋有收喜而有作壬戌
曾聞古人語民以食為天宵衣望歲心日久倍乾
乾惟願萬宇內比戶免饑寒念彼淮徐地水旱數
歲連年饑彼老幼執哺粥與踵號寒彼婦子執衣
布與綿每當大吏奏或聞輿論傳玉食不能噉仰
顛泣涕漣匪救盡人事踰復違後馬旋命大臣往
勘賑德意宣拯彼溝壑危登此衽席安帟藏非所

惜更留轉漕船近接守上臣封章傳喜言云是麥
有秋鉞餌可佐餐仍逢雨暘若秧苗綠茁田稍慰
午夜憂額手意歡然

皇天溥仁愛今秋定有年

七月二十一日奉

上諭江安二者之淮徐鳳穎各屬連年被水歉收
朕心屢念屢頒諭旨蠲賑頻施不使小民失所昨
又降旨將江省之清河桃源安東銅山沛縣宿遷
蕭縣邳州雖寧徐州衛海州沐陽安省之宿州靈
璧虹縣臨淮懷遠泗州五河十九州縣衛被災各
戶所有乾隆五年以前未完帶徵銀兩統行停緩
俟各處年歲屢豐之後該督撫再行酌量定限分

年帶徵具奏請旨朕思上下兩江十九州縣衝被
災既重所有乾隆五年以前未完帶徵銀兩既已
降旨停徵其未完帶徵漕項銀米事屬一例亦著
一體停徵俾小民無追呼之擾再查乾隆六年山
陽阜寧清河桃源安東銅山沛縣邳州睢寧蕭縣
宿遷豐縣碭山海州沭陽並淮安大河徐州三衛
應完乾隆六年漕項銀米經巡撫陳大受奏請緩
至今冬帶納朕已允令開淮屬山陽等處夏麥
被水又復歉收即將來秋禾豐歉亦尚未定若將
新舊漕項一歲並輸民間未免拮据著將山陽等
十八州縣衝各災戶未完乾隆六年漕項銀米本
年仍緩輸將俟乾隆癸亥年起分作五年帶徵以

紆民力著該部遵諭速行

八月初四日奉

上諭江南上下兩江今年水漲逾常該督撫陸續奏報者不下數十州縣朕每一覽奏宵旰靡寧已屢降諭旨令該督撫加意撫綏毋使吏胥又持命直隸總督高斌刑部侍郎周學健前往會同該督撫等拯救目前之災荒永除將來之水患但念此等被災之地夏已無收秋更失望小民困苦其何以堪况此數十州縣有今年被災特甚者有今年稍輕而連年被災者現又水漲未消亟待賑卹其流離顛連之狀時在朕心目中所有本年應納錢糧朕欲加恩豁免著該督撫查明被災各屬州縣

先行緩徵次第將確數分別具奏請旨該部即遵諭速行

御製淮揚一帶連歲被水黎民陷危用遣高斌前往賑恤兼求疏濬之方頒行詩以賜之成壬

負屨奉三無垂衣御四陸股股何所念所念惟蒼黎祈年屢宵旰惟願晴雨時安得海宇間比戶足食衣百姓敦親睦農桑樂雍熙圓蓋蔭仁恩邇年無征輦若獲歲屢豐教化或可期乃者淮揚郡澤國古若斯年來多水災黎民困阻饑飢宣勅大吏補救賴有司倉廩尚未起賑卹宜早施獨祖並哉濬疏流兼護隄凡百區畫方審藉眾力為吾恩汝其布吾民汝之兒何以淪異漲化為杭稻畦何以

拯蒼黔免彼溝壑危予憂爾其釋爾勞予慮和勉爾經綸策慰予饑溺思

十六日本

上諭上年山東歷城等一十七州縣銜秋禾被災朕特降諭旨將應徵新舊錢糧兼漕米黑豆一槩緩至今歲及癸亥兩年帶徵於冬熟後起限嗣因今歲二麥不登復緩至秋成後完納現在秋收豐稔自應按款輸將但各州縣中有疊被災傷之歷城等十三縣今歲雖獲有秋而民力未蘇舊欠新徵令其一時並納未免拮据著將歷城章邱齊東濟陽長清陵縣鄒平臨邑平原肥城平陰莒平博甲等縣並歷城章邱濟陽長清肥城等五縣收併

之衝地除現年錢糧及帶徵六年之末至照常徵
此外其應徵四五兩年舊欠及帶徵六年之地丁
并災案出借之口糧籽種暨緩至乾隆癸亥年奏
收後起徵仍照例分年完納以紓民力又聞齊河
高城清平高唐等四州縣并齊河縣收并之衝地
今夏雖勘不成災究屬數收且去歲被災亦重著
與歷城等縣一例辦理使小民鋤口有資輸將不
致竭蹶該撫即遵諭行

二十八日奉

上諭據湖廣督撫奏報湖北之荊州安陸漢陽襄
陽德安湖南之長沙衡州岳州常德澧州等府州
所屬之州縣及沔陽武昌襄陽三衝有夏月被水

之處淹沒田廬禾稼民人困苦現在勅吏常平倉
穀按民賑濟又據江西巡撫陳宏謀奏報贛州吉
安南安三府所屬州縣有被水較重之處現在災
民俱已照例賑濟安頓不使流移朕覽湖廣江西
督撫所奏深為矜念比即嚴切批諭該督撫加意
撫綏悉心籌畫務登災民於衽席今思江廣二省
雖係偏災而被水之民未嘗有偏全之列著該督
撫於被水地方將應徵錢糧先行出示蠲徵然後
查勘照例題請豁免該部即傳諭知之

乾隆八年二月十七日奉

上諭據總理青海夷情副都統宗室莽鵠奏代奏
王樹侯百戶楚胡魯台吉之子達色策令稟稱所

屬番人木拉等二十五戶被郭軍克賊番搶奪馬
牛牲畜餬口無資所有應納馬首求暫免二三年
俟元氣稍復照例輸納等語番民寒苦深可憫惻
所有每年應納馬首著寬免五年

二十六日奉

上諭上下兩江上年被水地方已經漸次涸出此
時東作方興正有資於牛力查雜稅款內有牛稅
一項雖為數無多然以農民被災之餘即減省雜
費分毫亦未嘗無益著該督撫即飭被災地方官
將牛稅暫免一年凡民間買賣牛隻者俱聽其自
相論價交易不許牙行從中需索有司亦不得視
為細事一任書吏侵蝕中飽該部即速行文傳諭

知之

三月二十日奉

上諭上年淮徐一帶水災米價騰貴朕念漕標河標兵丁食用艱難准借一季餉銀於今年分作四季扣還今朕聞得彼地被災之餘糧價不能平減兵丁額支糧餉折色為多若再按季扣除則食用愈覺難支可為憫惻著將上年借支之項目下暫緩俟本年秋成之後米糧價平再行扣除還項該部即遵諭行

四月初六日奉

上諭江南淮徐揚穎泗等處上年水災甚重米價高昂朕念各處營汛兵丁食用艱難准在司庫內

借支一季鉤銀於今年分作四季扣還今朕聞得各處被災之餘春間糧價漸增無減目下又值青黃不接之際兵丁無下官乏若再扣還借項則食用更苦不支朕心深為軫念著將前借一季鉤銀緩至本年秋成後於散給冬鉤時扣起勻作四季扣除運項以紓兵力該部即遵諭行

二十三日奉

上諭朕從前降旨將江省清河等十二州縣銜所有乾隆五年以前未完帶徵銀兩統行停緩俟各處年歲屢豐民間元氣漸復之後該督撫再行酌量定限分年帶徵所以紓民力恤困乏也茲又念山陽阜寧鹽城甘泉興化泰州高郵寶應淮安人

河揚州等十一州縣街上年被災亦重豐縣碭山
贛榆三縣災雖稍輕而均係連年被水之地民力
甚屬拮据所有十四州縣街乾隆五年以前未完
地丁漕項銀米著照清河等十二州縣街一體停
緩並將清河等十二州縣街及山陽等十四州縣
街乾隆六年帶徵地丁漕項銀兩同五年以前未
完之項一體停緩俟年歲屢豐之後該督撫再行
酌量奏開分年帶徵又淮安分司所屬板浦徐清
中正光清臨洪興莊等六鹽場所有乾隆二三四
等年未完帶徵折價銀一萬六千三百六十餘兩
該督撫等因係鹽場名目未嘗歸入停緩之內朕
思海濱窳戶輸納折價錢糧與民人無異屢遭水

惠之餘元氣未復今屆麥熟應徵若令折舊錢糧
一時并納未免艱難者與民戶一週停緩以示朕
優卹民意之至意

二十五日奉

上諭河南開歸陳汝所屬之鄭州等十三州縣舊
有乾隆五六七三年民借未完之常漕義社等穀
共一十一萬八千石有零例應今年一并催徵完
項但此十三州縣上年收成較薄若於本年麥熟
之後既催應納之新糧又完累年之舊欠則民力
艱難可為軫念著將乾隆五六七三年動借各項
倉穀於乾隆甲子年起分作三年帶徵以紓民力
該部即傳諭河南巡撫知之

二十六日奉

上諭前因淮徐一帶上年被災目下米價不能平減特降諭旨將漕標河標兵丁應扣所借一季餉銀此時暫緩俟本年秋成之後米糧價平再行扣除今查河標之外尚有河葦二營上年亦經借餉此時正當照例扣還之際今伊等修防河工頗屬勞苦且同居被災之地食用亦必艱艱其上年所借一季餉銀亦著緩扣與標兵一例俟秋成穀賤再扣還項

三十日奉

上諭上下江去年被災之州縣今春秋在即縱使豐收閭閻亦僅可餬口若即令輸賦民力未免艱

雖本年應徵錢糧著緩至十月後開徵該部即行
文該督撫遵行

御製陳世倌高斌周學健等兩江查賑回得悉迤

日情形稍慰慈愍因而賦此

癸亥

淮水歲為災咸感念木已每接方伯章中夜披衣
起去年復大饑錢鏞安可痔吾民寄匪魚文處波
濤裏溝壑多餓殍玉食豈能旨博賑救目前永逸
謀所以軺車簡信臣災壞命周視公帑詎借吾高
下躬量揣踏詎洽輿論後此庶寧只復命對勤政
如見吾赤子墊居式小康東郊亦興招淮黃流各
安吹澮經伊始嗟予德誠薄致饑孱誰委空懷饑
溺思仰對

天威咫尺

閏四月十三日奉

上諭朕聞山東今年春夏雨澤愆期二麥有歉收之處查歷城章邱齊東濟陽長清陵縣鄒平臨邑平原肥城平陰茌平博平等縣並歷城章邱濟陽長清肥城等五縣收并之衝地有未完四五六年舊欠錢糧並六年災案出借之口糧籽種因六年秋禾被災七年夏麥不登經朕降旨緩至乾隆八年冬收後起徵今屆開徵之期而冬收又復歉薄朕心軫念著寬至本年秋收後起徵仍照例分別緩帶以紓民力該部即遵諭行

二十五日奉

上諭甘省地方山土碗瘠風氣苦寒民力艱難甚
於他省一遇歉收所有應徵錢糧往往不能按期
完納如蘭州府屬之臯蘭狄道金縣靖遠平涼府
屬之平涼涇縣靈臺固原鹽茶廳鎮原靜寧華亭
慶陽府屬之安化寧夏府屬之中街花馬池甘州
府屬之張掖等處既有年年正額銀糧及本年借
貸籽種口糧又有從前借欠籽種口糧分作六年
帶徵之項統應完納加以積年舊欠地丁銀糧為
數繁多一時交集小民力難兼營深可軫念朕思
本年額賦係惟正之供例應輸納本年所借籽種
口糧春貸秋借亦應如數交還至於從前借欠之
籽種口糧已分作六年帶徵無庸再緩惟有舊欠

地丁銀兩自乾隆元年起到二三四五六七年等
年積算其數較之一歲正額幾為加倍若責令一
時輸將民力實為竭蹶若將旱澇等十六廳州縣
節年舊欠地丁銀糧分作四年帶徵以示朕優恤
邊民之至意該部即遵諭行

五月初二日奉

上諭江南淮徐等處從前疊被水災淮安分司所
屬板浦徐清中止完清臨洪興莊等六鹽場所有
乾隆二三四等年未完解徵折價銀兩朕已降旨
令與民欠一例停緩俟屢豐之後再行分年帶徵
今聞秦州分司所屬鹽場亦皆坐落阜寧鹽城興
化秦州等處所有廟灣富安女豐東臺河垛丁溪

草堰劉莊伍祐新興等十一場上年被災亦重竊
戶力量艱難其未完乾隆二三五六等年帶徵折
備銀計一萬六千六百七十二兩零應與淮安分
司所屬板浦等場一例停緩以示優恤其淮安分
司所屬板浦等六鹽場尚有乾隆六年被災帶徵
未完銀四千一百一十餘兩彼地民戶未完六年
分地丁漕糧既降旨停緩此項未完折價錢糧
亦准照民戶一例停緩該部即遵諭行

初五日奉

上諭上年河南省被水歉收之州縣除已經該撫
報出者將本年應徵之錢糧緩徵外其未經報出
之處該地方官酌量撫恤者民力亦屬艱難此時

方屆麥秋正當加意培養著該撫查明將應徵錢糧分別停緩俟秋收後再行徵收該部即速行文前去

十七日奉

上諭下江淮揚徐海四府州屬上年被災甚重其地漕錢糧朕已降旨停緩所有應完雜稅向無因災停緩之例自應照常催徵惟是各處既被水災貿易稀少行商完納稅銀未免拮据且今年又有應徵之項若今新舊並徵民力更覺艱難朕思積穀之餘元氣未復全在商販流通地方庶有起色著將山陽阜寧安東清河桃源鹽城高郵泰州江都甘泉興化寶應銅山豐縣沛縣蕭縣碭山邳州

宿遠昨奉海州沐陽贛榆等二十三州縣應徵乾隆七年未完牙行各項雜稅禁予寬免以示朕體恤商民之至意該部即遵諭行

六月初八日奉

上諭山東春夏以來雨澤愆期二麥有歉收之處近雖漸次得雨尚有未曾霑足之州縣若照例徵收錢糧民間未免拮据朕心軫念著該撫將麥收歉薄之州縣逐一查明所有六七兩月應徵錢糧緩至八月後徵收以紓民力該部即速行文傳諭該撫知之

七月初七日奉

上諭朕前降旨將河南上年未經報災之州縣所

有應徵錢糧分別停緩俟秋收後再收聞雅爾圖
上將鄭州等十三州縣中勘不成災之村莊展至
秋收後開徵而新野汝陽西平遂平項城扶溝等
六縣同屬勘不成災未經一例題請朕思該地方
既被水淹秋收自減其應納錢糧亦著加恩停緩
又太原一縣雖未被水去秋亦屬歉收其上平民
欠錢糧並緩至本年十月後徵收以紓民力該部
即遵諭速行

十七日奉

上諭准北上年被災各屬一應錢糧朕已降旨分
別蠲緩惟海州沐陽贛榆三州縣連年疊被災稔
今春又因亢旱二麥歉收雖五月以後得雨可望

收成但積穀之餘小民元氣充難驟復地漕兩項
一時並納未免拮据除地丁銀兩仍於十月後開
徵其本年漕糧二萬二千六百石有零並七千分
額剩錢漕俱著於次年分限帶徵緩一分之輸將
即可紓一分之民力該部即遵諭行

十七日奉

上諭淮揚徐海四府州屬疊被水旱朕心軫念於
賑恤之外復借給籽種牛草銀兩此等借給之項
例應秋收後催還但此四府州屬六七兩年水災
尤重借給更多有已借冬種旋因無收又借春種
者有春種無收復借秋種者數年之積欠一時恐
難全完著該督撫轉飭地方官酌量情形其力能

清償者自應照例交納若實屬艱窘無力不能完
徵者著於來歲麥收後再行分限催完以示朕軫
恤積數災黎之至意

八月十一日奉

上諭河南永城鹿邑夏邑三縣乾隆四年被水成
災其地丁錢糧經朕降旨分別緩徵帶徵以紓民
力迨六七年該處又遭水患不特前項未完而
該年錢糧又復停緩今年秋收屆期俱應照數催
徵朕念三邑連年被災閭閻未免艱窘現今即屬
有秋而以數年通賦並徵於一年之內恐有妨小
民仰事俯育之計著再加恩將永城鹿邑夏邑三
縣乾隆四六七三年未完帶徵緩徵銀一十四萬

餘而就各縣原欠數目自乾隆甲子年為始再均
作三年徵收津輸將不致拮据以示朕優恤之意

十七日奉

上諭山東今歲夏間雨澤愆期齊東陵縣德平德
州平原惠民樂陵陽信濟州利津高河恩縣夏津
武城十四州縣俱有被災之處所有本年應納漕
糧黑豆例應十月開徵朕念該州縣被災處所雖
輕重不同收成均屬歉薄按期輸納實屬艱難著
將東省被災州縣本年應納漕糧黑豆將原有帶
徵之處視被災之輕重分別年分緩帶輸納以紓
民力著該部即行文咨爾吉善令其查明具題辦

理

九月二十四日奉

上諭河南今夏雨水不齊其查勘成災者已據該撫題報照例賑卹聞開封府屬之陳留蔡陽汜水彰德府屬之湯陰衛輝府屬之淇縣延津並陝州等七州縣雖不成災然高阜之處收成充屬歉薄朕念此等鄉農薄有收穫僅足供三冬糴糧之計若將應徵錢糧一體催收未免拮据若將此七州縣勸不成災之地畝錢糧緩至明年麥熟後徵收以紓民力該部即遵諭行

十月初一日奉

上諭安徽省鳳穎泗三府州屬壽宿等二十四州縣銜連年被災歉收民生艱苦朕加恩撫卹蠲賑

東苑務期登之莊庠所有未完帶徵之舊欠原降諭旨令俟民間元氣漸復之後另行定限帶徵今思此等地方當積困之餘既有本年應納之錢糧又有昔年帶徵之舊項勢難竭蹶輸將深可矜念著將鳳翔泗三府屬壽甯等二十四州縣衛乾隆七年舊欠地漕銀兩隨同新糧於本年十月徵收其六年以前現應帶徵地丁及折漕銀兩緩至甲子年春熟後起限徵收應改徵穀石之舊欠漕米於秋收起限徵收仍照定例分年帶納所有宿州靈璧虹縣臨淮懷遠泗州五河等七州縣五年以前未完帶徵銀兩及漕項銀米仍俟年歲屢豐後定限帶徵其本年水旱地方照例另請停緩如此

則民力得以稍舒原副朕撫綏惠養之意該部即遵諭行

初八日奉

上諭今年上江所屬地方有旱潦偏災之處如桐城宣城南陵銅陵繁昌無為廬江建平等八州縣所有勘審成災之地朕心軫念其應完漕糧漕項者緩至來歲徵收以免歲內催科至壽州鳳臺鳳陽懷遠臨淮泗州盱眙等七州縣雖成災止有五分而地土瘠薄連年荒歉之後民力均覺艱難著將此七州縣及坐落七州縣之衛田應完漕糧漕項悉行緩至來年徵收以紓民力朕原降旨截留江南漕糧十萬石於本省以備倉儲今將所緩即

算在截留之內不過補倉畧遲而間關得以從容
輸納自可免於竭蹶該部可速傳諭該督撫知之
字惠全書卷十四

平惠全書卷十五

偏陽藉緩四

乾隆九年正月十一日奉

上諭安西道屬沙州衛有原招戶民六百五十九戶因所置牛隻節年倒斃不能買補恐誤耕作雍正十三年經撫臣奏明每戶借給銀十五兩購買牛驛以資力田之用共借給銀九千八百八十餘兩分作五年帶徵運項自乾隆元年起至今止徵完銀七千二百九十餘兩尚有未完銀二千五百九十兩零朕念沙州地處邊外天寒土瘠招徠之民力量單薄既有本年應完之正賦若兼顧舊欠未免拮据可憫著將此未完牛驛價銀從乾隆九

年起分作三年帶徵俾邊民從容完納該部即遵諭行

二十八日奉

上諭上年上下兩江秋收大概豐稔間有偏災地方朕已知恩蠲緩賑恤其壽州鳳臺鳳陽懷遠臨淮桐城泗州盱眙八州縣勘不成災地故所有新舊錢糧原應照例催徵但念該處連年積歉之後雖未成災收成不無歉薄目下正當青黃不接之時若仍事追呼閭閻未免拮据著將壽州等八州縣並坐落八州縣之衛田應納新舊錢糧俱緩至本年麥熟後徵收以示朕體卹丞黎之至意該部即遵諭行

二月二十四日奉

上諭山東濟東等十九州縣衝被旱歉收朕已降旨將應徵錢糧照例分別辦理但被災州縣尚有勘不成災之地畝例不在緩徵之例朕念此等地方既屬薄收自冬徂春民食未免拮据今當青黃不接之際鋤口維艱若令其輸納國課實為竭蹶著將濟南府屬之齊東陵縣德州德平平原臨邑德州街武定府屬之惠民海豐樂陵高河濱州霽化陽信利津東昌府屬之武城恩縣夏津沂州府屬之日照縣南鄉并安東街等十九州縣衝應徵乾隆八年地丁及帶徵錢糧程寬至本年秋成後再行徵輸以紓民力該部即遵諭速行

三月二十六日奉

上諭甘肅地方向來民間積欠繁多朕曾降旨將張掖皋蘭狄道鎮遠安化平涼涇州靈臺中衛九州縣民欠自乾隆八年為始分作四年帶徵又將武威西寧二州帶徵雍正十三年至乾隆三四年之項一并蠲免此外應徵舊欠錢糧理宜按款輸納但念該省土瘠民貧地處邊陲非內地可比以一年而清積年之欠未免艱難著將張掖肅州高臺皋蘭河州狄道靖遠安化平涼涇州靈臺靈州中衛十三州縣及武威西寧二縣累年未完積欠錢糧草束等項再行寬免自乾隆九年為始分作六年帶徵以紓民力該部即遵諭行

四月二十三日奉

上諭今年畿內數府雨澤愆期二麥收成最薄若
照向例麥熟開徵民力拮据可憫朕心軫念著傳
諭高斌令其酌量地方情形其應行緩征之處所
有額徵錢糧暫停催納俟將來可以完糧之時該
督撫再行奏聞開徵該部即遵諭行

六月初八日奉

上諭安徽之鳳潁泗三府州屬連災之後朕屢經
降旨將舊欠銀糧分別緩徵俟豐收後起限收納
此時二麥登場正宜催輸積欠之候查壽州等州
縣衛從前被災稍重實為積困之區若今新舊銀
米同時並徵小民未免拮据著將壽州鳳陽阜陽

是州蒙城太和盱眙天長八州縣並收入各州縣
之鳳陽鳳中長淮泗州宿州五衛應徵乾隆五年
以前未完舊欠銀兩緩俟六七八等年應徵民欠
全免之後欵限徵收以紓民力該部即遵諭行

七月初一日奉

上諭從前直隸河間天津等屬被災之地一應新
舊錢糧經總督高斌奏請停其徵比緩至本年秋
成後催徵完納朕已降旨允今幸甘霖叠沛秋
成可望所有應完錢糧例應於秋收後徵收但朕
思二府被災既重又當歉收之後元氣一時難復
當格外加恩以滋培養著高斌確查災重之十六
州縣將本地應徵新舊錢糧緩至明年看彼地收

成光景奏聞再行開徵其被災稍輕之州縣各處情形亦不一或有應行緩徵者并著高斌詳查奏聞請旨務俾民力得以寬舒不致輸將竭蹶又據高斌奏稱天津府屬之慶雲縣地僻民貧高販平糶米糧缺乏民食艱難請於河南大名等處買到雜糧內撥給二千石確查窮民酌量散給以資接濟等語著照高斌所請即行散給並即照大城等州縣出借口糧之例免其秋收還倉該部即遵諭速行

十二日奉

上諭山東濟南府屬之歷城章邱鄒平齊河齊東濟陽禹城臨邑長清陵縣德州德平平原德州街

武定府屬之惠民陽信海豐樂陵高河濱州利津
霑化青城蒲臺泰安府屬之平陰肥城東昌府屬
之博平臨清高唐恩縣館陶沂州府屬之沂水蒙
陰蘭山青州府屬之博興高苑樂安等三十七州
縣衝勦不成災之地故應徵錢糧例應輸納但朕
念各州縣麥收原屬數薄若因此時勦不成災將
折舊錢糧一時並從小民未免拮据著將乾隆九
年應徵地丁寬至本年十月後放徵其歷年舊欠
緩至來年麥熟後徵收以紓民力

二十三日奉

上諭甘肅地方上瘠民貧非內地可比朕所軫念
其有舊欠錢糧一不難以并徵者已加恩寬緩矣

項聞甘州府山丹縣積年民欠亦屬繁多乾隆元年
年至八年共欠屯糧一萬二千六百餘石又自三年
年至八年共欠籽種糧六千五百餘石又自元年
至八年共欠草六十萬一百餘束此時若按例一
并催徵民力未免艱窘若從本年為始分作六年
帶徵俾小民從容完納該部即傳諭該督撫遵行

八月十六日奉

上諭江南海州沐陽贛榆三州縣連歲被災今年
雖收成較好然元氣未必全復所有帶徵之漕糧
係七八兩年未完之項今若分限兩年與本年新
糧並徵是仍於一年之內並徵兩年之米小民未
免拮据著將此三州縣七八兩年未完四地緩漕

於本年起分限四年徵收以紓民力該部即遵諭
行

九月初四日奉

上諭山東省上年被災較重之陵縣等八州縣應
徵帶徵米豆朕已降旨緩至甲子乙丑兩年各半
分徵其被災較輕之齊東等七縣所有米豆各緩
至甲子秋後完納朕思十月即屆徵漕之期自應
按限催輸但齊東等州縣本年又有夏災雖秋四
幸獲有收而民鮮蓋藏尚需培養以復元氣著將
原報災重之陵縣德州德平原惠民樂陵高河
濱州八州縣應徵乾隆八年分緩帶米豆再予寬
限一年俟乙丑丙寅兩年各半分徵原報災輕之

齊東臨邑陽信利津息縣夏津武城七縣應徵八年分緩帶未全今其於本年各值新漕完納一半所剩一半至乙丑年帶徵至齊東臨邑陵縣平原四處應完六年分帶徵未全亦令其本年及乙丑年各半徵輸俾民力寬舒不致竭蹶該部即遵諭行

初八日本

上諭山東濟武東青等府屬內有連被災傷之州縣朕前加恩撫卹賑借兼施以濟匱乏今秋成已屆幸獲百收但念連災之後民鮮蓋藏未必即有餘資清完舊欠之公項自應分別辦理以紓民力著將上年秋禾被旱今歲夏麥又復失收之齊東

陵縣德平德州臨邑平原德州衛惠民陽信海豐
樂陵高河濱州利津霑化恩縣並現被偏災之博
興樂安等十八州縣衛所有八九兩年借給各案
內口糧籽種等項銀數均緩至乙丑年麥後秋後
兩次徵完其上年夏麥被旱秋禾俱獲有收今歲
夏麥復被旱災之歷城章邱鄒平齊河濟陽長清
青城蒲臺肥城平陰博平高苑等十二縣所有八
九兩年借給各案內籽種口糧等項銀數均緩至
乙丑年麥熟後催還其上年並未被災今歲止二
麥被旱被雹並未深重兼有勛不成災之處如禹
城蘭山沂水蒙陰館陶高唐臨清等七州縣所借
銀糧米穀等俱於本年秋後催徵還項該部即遵

諭速行

初九日奉

上諭江南淮揚徐海四府州屬於乾隆六七兩年
疊被水災朕心軫恤蠲賑頻施又借給籽種以資
耕作復念積穀之後窮民一時無力輸將今俟今
年麥收後再行分限徵收還項今屆催徵之期朕
思各年借項數目有多寡年分有遠近自應酌定
限期分別辦理以紓民力查乾隆六年淮揚徐海
四屬災戶共借大麥一萬一千三十餘石穀三千
六百一十石零為數無多歷年已久自應於麥收
後開徵本年秋收照數全完乾隆七年淮揚徐海
四屬災戶共借籽種牛草銀二十五萬三千七百

六十兩零麥穀二萬一千四百一十二石零為數已多如分限太迫則一歲之中難以一并完納若於本年麥收後開徵分作三年至丙寅年秋收全完再乾隆八年江鎮淮揚徐海等屬被災歉收所有安東阜寧鹽城海州高郵興化寶應等州縣共借銀三萬三千六百餘兩穀五千五百餘石均應於今年催徵還項者但此等窮民即係連年積欠之戶力量艱難若准其分限兩年自本年起至乙丑年秋後全完以示朕優恤貧民之至意該部即遵諭速行

二十七日奉

上諭今年浙江被水之州縣頗多且有災災甚重

之處朕心深為軫念已屢頒諭旨令該撫加意撫恤毋使閭閻一夫失所頃據甯浙閩總督卬務周學健奏稱各郡被災地方除撫臣現在題報之三十一州縣二衛二所八場外尚有先後具報被災之嘉興府屬海鹽平湖桐鄉三縣寧波府屬鄞縣慈溪鎮海象山定海五縣金華府屬金華東陽義烏浦江四縣嚴州府屬遂安一縣共一十三縣先據呈報同時被災情有勦報被災無多請銷案者亦有未據勦報果否成災者臣思此等各縣同時被災如果被災無多或秋成尚有望其蠲免賑濟自應無庸濫及但被災雖屬稍輕而民力難免拮据可否仰懇天恩將本年被水未成災之州縣

其被災村莊本年地丁錢糧寬至次年麥熟後開
徵有田畝被水減收者飭令地方官酌借常社各
倉穀石以爲補種春花工本俟明年秋成後免息
還倉其現經題報被災之三十一州縣內如有續
經勘明不成災者亦照此辦理等語今年浙省州
縣水災情形非尋常被水可比小民顛連深可憫
惻朕屢經訪聞具悉自非加意賑恤不足以蘇民
困若照周學健所請行常安奏報災傷顯有粉飾
而辦理賑務亦覺草率不能仰體朕意著嚴飭行
諭旨到日可竭殫心多方救濟務登斯民於衽
席督臣馬爾泰到任亦應不時查察經理以慰朕
念該部遵諭速行

十月二十五日奉

上諭江南鳳陽潁州泗州三府州所屬數年以來
頻遭水旱朕加恩撫卹蠲賑疊頒推恩問閭一夫
夫所令雖漸有起色而无氣尚難驟復查此三府
州所屬舊有民欠借項除已經完納外尚有未完
乾隆六平分米麥粟穀等項共二萬二千七百一
十七石零銀九千六百三十五兩零又未完七年
分米麥秫粟等項共一萬八千九十九石零銀一
十萬二千八百七十四兩零俱應按限催完之項但
新舊同時並納小民未免艱難朕心軫念著將六
年分出借各項均至乙丑年春熟後徵完七年分
出借各項均至丙寅丁卯兩年春熟後分完如此

遞歲分徵則民力得以舒徐不至輸將竭蹶該部
即遵諭行

十一月初二日奉

上諭山東青州府屬之博興樂安二縣今年有秋
禾被旱之鄉村朕已照該撫所請行災地新舊錢
糧分別蠲緩今聞二縣禾被災之處即本年夏麥
被旱之區秋禾雖未成災而收成僅有六分未免
歉薄若將錢糧照例起徵民力難以輸納朕心軫
念著將博興樂安二縣內夏麥被旱秋收歉薄之
處所有本年錢糧緩至明年麥熟後徵收以紓民
力該部即遵諭行

乾隆十年二月二十二日奉

上諭直隸河間天津等屬前歲荒歉朕格外加恩多方賑恤曾降諭旨將被災最重之十六州縣並該城新城二縣乾隆九年以前新舊錢糧俱緩至本年秋收後令該督看彼地收成光景奏聞再行開徵今思災重各州縣舊欠錢糧雖俱停緩而本年應納錢糧已屆開徵之期該處當積歉之後元氣未復若照例催輸民力未免拮据朕心軫念著將河間府屬之河間獻縣阜城任邱交河景州吳橋東光天津府屬之青縣靜海滄州南皮鹽山慶雲深州屬之武強冀州屬之武邑等十六州縣并該城新城二縣所有本年應徵錢糧俱緩至秋收後照例開徵以紓民力目今東作方興俾得盡力

南畝以示朕加惠元元之意該部即遵諭速行

四月初三日奉

上諭山東武定府屬地上素稱饑薄兼以連年被災之後元氣未復去秋雖獲有收而冬春雨雪稀少種麥無多今聞甘霖雖沛小民東作方興當此青黃不接之時必無餘力以辦國課朕心屢念著將惠民陽信海豐樂陵濱州高河利津霑化蒲臺青城等十州縣乾隆九年未完錢糧十年應徵新賦概緩至本年秋成後按款徵收俾閭閻得免追呼之擾其乾隆八九兩年出借口糧籽種應於本年夏秋兩熟分別徵完者亦著緩至秋收後開徵以紓民力該部即遵諭行

五月十二日奉

上諭從前山東連歲歉收所有借給民間籽種口糧銀穀等項俱應於今年麥秋後催徵運項但朕聞濟南所屬州縣如歷城章邱鄒平齊東濟陽長清齊河臨邑禹城陵縣德州德平原德州衛長山新城等處上秋種麥本屬無多今春得雨稍遲收成不無少數若將新舊錢糧並令一時完納民力未免艱難著將此十六州縣銜歷年舊欠錢糧以及未完口糧籽種銀穀禁行緩徵至本年秋收後催徵運項俾民間不至拮据該部卽遵諭速行

六月初九日奉

上諭據準奏稱各省蠲免錢糧之例凡遇特恩

蠲免者其耗羨仍舊輸納若因水旱蠲免者不得
徵收耗羨查安徽所屬鳳潁泗等處從前連值災
傷乾隆七年又復被災荷蒙天恩於成災分數例
免錢糧外復將蠲餘應行帶徵地漕銀八萬九千
二百餘兩地漕米一萬一千八百餘石俱奉特恩
寬免此原係因災而加之曠典所有應徵耗羨銀
九千一百七十四兩零似應一例免徵但從前未
經奏明難以遵辦等語鳳潁泗等處蠲免帶徵地
漕銀米一案雖係特恩竊因彼地災傷而沛澤於
格外者所有應徵耗羨亦若寬免該部即速行文
該省督撫遵諭行

七月十七日奉

上諭今年直隸地方雨澤不勻朕心深為軫念降
旨令高斌確查善畫具奏據高斌奏稱宛平等六
十四州縣銜廳於六月內有未經得雨者有得雨
未能透足者當八月開徵之期所有應徵新舊錢
糧應遵旨暫緩徵收將來是否成災尚難豫計俟
秋收後酌看收成情形再行奏聞分別辦理至慶
雲一縣目下早象已成現委道府親赴查勘撥領
漕米以為賑借之用等語慶雲一縣既已成災著
加意撫綏毋致失所其餘州縣俱著緩徵又思此
等州縣將來收成如何目下雖難豫定著那蘇圖
悉心體察若有成災之處可豫為籌算速行辦理
毋得稍有稽遲其上年奉旨緩徵之景州等十二

州縣亦一體查辦

九月十一日奉

上諭安徽省鳳潁泗等屬乾隆六七兩年被災農
民借給籽種口糧朕曾降旨分年緩徵今雖屋催
納之期第念該處當積歉之餘今歲夏秋又復被
水若今按期輸納小民未免拮据著將鳳潁泗所
屬六七兩年分民借未完米麥銀兩緩至丙寅戊
辰兩年麥後分完俾民力得以紓徐輸將不致竭
蹶以示朕軫恤閭閻之意該部即遵諭速行

十月初四日奉

上諭那蘇圖所奏直隸被災各州縣銜廳應將新
錢糧緩徵者俱著照所請行至督皇等十州縣被

災村莊亦准停緩其不被災村莊例應開徵服思
彼地既有數收之處其隣近村莊諒亦難免估估
著加恩將不被災村莊應徵舊糧亦著緩徵以紓
民力

十一月十九日奉

上諭山東濟南武定東昌青州四府屬內自乾隆
四年至十年有被災之處所有緩徵帶徵銀兩例
應按限徵收今歲該省收成雖頗豐裕但積穀之
餘元氣未復若新舊並徵民間未免拮据著將濟
武東青四府屬內積穀之州縣銜所除四五兩年
未完無幾仍照例徵收外其乾隆六七八九十等
年被災案內緩帶錢糧自乾隆丙寅年起分作五

年帶徵每年徵完一年之久其歷年出借口糧行種亦著一例分年分案徵還以紓民力該部即遵諭行

乾隆十一年二月初二日奉

上諭河南永城鹿邑夏邑三縣乾隆四六七三年未完帶徵緩徵銀一十四萬餘兩朕前降旨自乾隆甲子年為始均作三年徵收今該三縣上年秋禾復被水災應徵錢糧現在分別蠲緩帶徵所有前項舊欠銀兩若仍復按限催徵民力未免拮据著將永城鹿邑夏邑三縣乾隆十年分應徵舊欠銀四萬五百九十餘兩准其緩至十一年麥後補徵另扣年限造報以紓民力該部遵諭速行

閏三月初四日奉

上諭長蘆所屬各州縣場所自乾隆七八九年緩徵帶徵銀兩今屆開徵之期雖應依限催輸以完正課但念該處連歲荒旱之後上年雖獲秋成竈戶究未克裕若令其全完數年舊欠未免拮据著將長蘆所屬各州縣場應完乾隆七八九年帶徵緩徵銀一萬一千一百餘兩自丙寅年起分作三年帶徵以紓電力該部遵諭速行

五月二十三日奉

上諭直隸通省今年地丁錢糧已全行蠲免其慶雲鹽山二縣本年應徵竈課銀兩不在蠲免之內朕念該二縣當積歉之後屢次加恩今雖得透雨

但收成尚難懸定若此項竈課銀兩照例按期催納民力未免拮据著將慶雲鹽山二縣本年應徵竈課暫緩徵納俟秋收豐稔該督奏明開徵該部即遵諭行

二十四日奉

上諭據安徽巡撫魏定國奏稱鳳補泗三府屬上年夏秋被災去冬今春有借口糧籽種等項應於本年麥熟及秋收後歸還但查此三府屬尚有乾隆六七兩年借給未還各項前奉恩旨於丙寅戊辰年分完是本年已有應徵借項之項若再加以去冬今春所借一并徵還積困窮民實難完納仰懇聖恩緩至己巳庚午兩年分徵還項等語著准

其所請將鳳潁泗三屬去冬今春借項均緩至己巳庚午兩年分完以紓民力該部即傳諭該督撫知之

二十四日奉

上諭江南上江之鳳潁泗三屬上年被災各州縣衛已加恩蠲賑預施今春又降旨分別加賑今當參收之後所有舊欠錢糧俟年歲屢豐後帶徵鳳旨宿州等州縣舊欠錢糧俟年歲屢豐後帶徵鳳陽等州縣衛舊欠錢糧俟六七八等年民欠全完之後起限徵收但念宿州鳳陽臨淮懷遠虹縣靈璧鳳臺阜陽潁上亳州蒙城太和泗州盱眙五河霍邱等十六州縣並鳳陽鳳中長淮宿州等四衛

皆六七等年連被災積之區上年又值歉收若帶
徵積年舊欠民力未免拮据所有宿州等二十州
縣衛今年麥收後著止帶徵十年一年未完之項
其六年起至九年舊欠均緩至戊辰年起分年帶
納其霍邱縣五年以前舊欠亦著俟六七八等年
舊欠徵完之後再行啟徵該部即遵諭行

八月初五日奉

上諭山東省今夏被水各州縣據巡撫喀爾吉善
先從題報查勘分別辦理除勘實成災各屬已加
恩賑濟外其勘不成災州縣雖被淹稍輕晚禾收
成完屬較薄朕心軫念著喀爾吉善查明各州縣
實在無力貧民按戶酌借麥本俾及時播種秋麥

所有借給奉本銀兩於未歲奉熟後徵收出借口糧於未歲秋收後免息徵還此等被淹地畝本年應徵錢糧著皆緩至未歲奉熟後啟徵以紓民力該部即遵諭行

九月十三日奉

上諭山東省東平等州縣今歲秋禾偶被偏災已屢降諭旨發倉賑恤其地丁錢糧俱已加恩蠲緩至漕糧一項例不在蠲免之內惟是被災之地責令完漕民力未免拮据朕心軫念著將被災偏重之金鄉魚臺二縣無論已未成災地畝本年應徵漕糧均緩至乾隆丁卯戊辰二年帶徵其被災稍輕之東平汶上濟寧武城四州縣應完災地漕糧

著緩俟丁卯戊辰二年每年帶徵一半陽穀聊城
羊縣滕縣單縣被災次輕應完災地漕糧緩至丁
卯年帶徵所有一切漕項錢糧俱著隨漕緩徵俾
災邑貧民得以從容輸納該部遵諭速行

二十八日奉

上諭浙江巡撫常安奏稱松江府屬下沙頭場又
二三場并青村場蕩地所種晚禾忽生青蟲穗稻
多被蝕傷收成頓減等語今歲江蘇錢糧朕已全
數蠲除而場課例不在蠲免之內此項被災場地
如今其照例輸課竈戶未免拮据著將松江下沙
等場本年場課按照被災地畝緩至次年開徵完
納以紓竈力該部即遵諭行

二十八日本

上諭山東武定府屬海豐縣上年秋禾被旱經該撫奏准於別賑之外借給本年四月分一月口糧并酌借籽種又樂陵縣今夏二麥被旱成災照例借給籽種口糧海豐霽化陽信三縣麥收數薄復加恩一體借貸接濟此項出借籽糧均應於秋收後照數徵還但念此四縣今歲秋禾雖屬有收究係積歉之後且均有新舊錢糧漕項應行輸納若再將前項借欠同時並徵民力未免拮据著將海豐等四縣本年麥後因災出借籽種口糧銀數并海豐縣所借四月分口糧籽種銀兩一并緩至來歲麥秋後徵收還項以紓民力再德州德州衛陵

縣德平武城清平長清高唐八州縣衙亦曾出借
籽糧此內或有似此難以并准全完者著新任巡
撫塞楞額察看情形的量分別徵復造冊報部該
部即傳諭該撫知之

十月初四日奉

上諭直隸之贊皇鉅鹿獻縣故城四縣今春得雨
稍遲該督那蘇圖酌借口糧籽德米穀以資接濟
例應於秋收後照數還倉今朕經過正定念此等
無力貧民秋成雖在豐稔恐食用尚難充裕若所
借米穀照例徵還未免拮据著將贊皇等四縣所
借米穀一并加恩豁免該督即遵諭行

二十四日奉

上諭河南永城鹿邑夏邑三縣節年疊被水災今
秋又復被水所有乾隆十年十一年民欠錢糧俱
應緩至戊辰年開徵但朕思積穀之區縱使丁卯
戊辰二年連獲豐收民間元氣亦難盡復乾隆十年
辰年各邑既有本年應納之正賦又有乾隆十年
水災案內應完帶徵錢糧若再將十年十一年分
未完帶徵舊欠一并催徵民力恐不能支著將永
城鹿邑夏邑三縣乾隆十年分未完帶徵銀二萬
八千八百餘兩緩至戊辰年徵收其乾隆十一年
未完帶徵銀四萬二千四百餘兩緩至己巳年間
徵俾民力得以展舒該部即遵諭行

二十四日奉

上諭山西大同朔平二府上年偶被旱災所有新舊應徵銀米豆麥等項俱令緩至今年秋收後徵輸在案現今大朔二府秋成各有七八分屆茲開徵之期自應將新舊各欠一并催完惟是歉收之後民力尚未寬舒且為數繁多輸將未免竭蹶著將上年成災之大同懷仁渾源應州山陰廣靈陽高靈邱天鎮朔州馬邑并未成災而收成亦數之右玉左雲平魯等十四州縣所有上年額剩緩徵帶徵及九年舊欠銀米等項俱暫行停徵統於乾隆丁卯己巳庚午三年內分限帶徵完納以紓民力該部即遵諭行

十二月初九日奉

上諭直隸慶雲鹽山二縣竈課節年災緩並帶徵
等銀前經降旨自丙寅年分作三年帶徵但思二
縣積數之餘元氣未能全復若將分限帶徵舊欠
一并開徵以一年而完積年之欠未免拮据所有
該二縣本年應起限帶徵竈課銀兩緩至丁卯年
照原案起徵俾緩舊徵新以紓竈力

十七日奉

上諭直隸鹽山慶雲二邑節年民借食糧米穀價
銀等項分作三年帶徵但朕念該二邑係積數之
區今歲秋成雖有六七分不等元氣尚未全復小
民輸將未免拮据著將鹽山慶雲本年應帶徵民
欠等項緩至丁卯年秋成完納以紓民力該部即

連翰行

字惠全書卷十五